



Schpiuwuchenänd



Bi schtrahlendem Sunneschin hei mir 13 Schpiuluschtige im scho prima gheizte Hüttli zämegefunge. Üser 2 nöie Passivmitglieder si ou mit vor Parti gsi. S si wäger gäge di 50 verschidni Schpiu zämecho. Weme die aui wett lehre schpile...

Wi vo säuber hei sich Grüppeli piudet, je nach Schpiuwau. Me het de geng wider zu angerne Partner u Gägner gwächslet, het bire angere Herusforderig sis Glück probiert. De isch me zwüschiche ir Caffetteria verbi, wos Tee, Kafi u verschidni Gebäck het gha. Dert het me sich jederzit mit nöier Energi chönne ga iidecke.

Mänggisch isch es mux müsli schtu gsi – u de si plözlech wider es paari i schauends Glächter usproche. De het öper abgrundtöif gsüfzt, wiu di nötegi Charte eifach nid isch cho. Oder we dr Würfu grad usgrächnet die Zau het zeigt, wo me uf ke fau hät wöue.

We öper es Eigegou het gmacht, het **nie** öper gmozet. Es het di ganzi Zit e totau fridlechi u zfridni Atmosfäre gherrscht mit viu Lache. U i däm Trubu inne het dr Bruno si Geburi gha. Das het prima passt.

3 si du im schpättere Abe hei u vo de räschtleche 10ni si di Letschte ersch so gäge Morge am 2 uf d Madrazli gschnaaget.

Nachem Pfuse hei mir 4 wiissi Hüüffe vorem Hüsli gha. Zum Glück hei 2 Heude freiwiuig derfür gsorget, das dert wider 4 Outo si parkiert gsi. Das isch e ganz e gfröite Aschpäkt gsi di Tage: Jedes het derzue biitreit, das aues ribigslos het klapt. Da het me nüt müesse organisiere.

Nachem Ufrume u Puze vom Hüttli si mir aui chli übernächtiget aber rundum zfride hei zue.

Marietta